



# Kattusseqatigiit Partiiat

12. august 2011  
Januar 2011

UKA 2011/26  
UPA 2011/58

Inatsisartut suleriaasiata § 36-ia naapertorlugu matumuuna nassiuppara apeqquteqaat aallaavigalugu oqallinnissamut siunnersuut:

**Suliffeqarfimmut akileraarutip appartinneqarsinnaanera, ungasinnerusoq isigalugu suliffeqarfinnik amerlanerusunik, nunatsinnullu pilersitsisinnaanersoq pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Knud Fleischer, Kattusseqatigiit Partiiat)

## **Tungavilersuutit:**

Nunatsinni suliffissuit amerlaqisut ukiumut annertuunik isertitaqartartut amerlagineqarsinnaapput tamannalu nuannaarutigisariaqarpoq nunatsinni amerlaasuunik suliffissuaqaratta imminut akilersinnaasumik ingerlasunik kisianni:

Suliffeqarfiit mikinerusut aallarterlaallu eqqarsaatingalungit akileraartutingut apparsaaffingineqarsinnaappata Kattusseqatigiit Partiianiit isumaqarpungut suliffeqarfimmut minnerusunut aallarterlaanullu iluaqutaanginnaratik nunatsinnut annertuumik ineriartornermut iluaqutaassasoq.

Isumaqarpungalu qulequttap oqaluuserineqarnissaa piffissanngortoq, taamaammat makku tungavissatut saqqummiuppakka:

Oqatigisariaqarpara illoqarfinniit arlalinniit saaffigineqartarnikka tungavigalugit siunnersuut saqqummiukkakku. Tassa tamanna ilaatigut pivoq piffissami kingullermi suliffeqarfiit iluminni annertuumik oqaluuserisarsimammasuk.

Aamma paasivara tamanna periarfissatut annertuutut isigineqartoq, tassa nunatsinni suliffinnik piorsaanissamut massakkutut inissisimasoqarnera eqqarsaatingalungu annertunerusumik maannakkut periarfissanik suliffeqarfimmut akileraarut killiliillunilu ineriartortitsinissamut killiliisarmat.

Kattusseqatigiit Partiiani isumaqarpugut, selskabskat-tip appartinneqarsinnaanera tamanut ajunngittumik iluarsiivigalugu suliarineqarpat annertuumiik nunatsinnut inuiaqatigiinnullu Iluaqutaasinnaasoq.

Ilaatigut makku pillugit: selskabskat-tip millineratigut nunatsinni suliffeqarfiit amerlanerusut piorsaanissamut annerusumik periarfississangatsingit, aningaasaleerusunneq annerusoq pilersinneqassaaq ataatsimullu tamaat isingalungu oqaatingissangaanni nunatsinnut iluaqutaasumik kinguneqarsinnaasoq isumaqarpungut.

Qupperneq 1/2

---

UKA 2011/26

UPA 2011/58

J.nr. 01.25.01/11EM-00026

Nanut allat qiviaraani aqqissuusineq taamatut ittoq nunamut annertuumik iluaqutaasarpog annertuumillu innuttaasunut iluaqusersuilluni, Kattusseqatigiit Partiiianiit isumaqarpungut aamma tamanna suliarilluaraani annertuumik nunatsinut iluaqutaalerumaartoq.

Piffissami aggersumi annertuumik isumalluutigilerumaakkavut qularnanngilaq tassaapput, Olie aammalu allat aatsitassat, taamaattumik Kattusseqatigiit Partiiiani isumaqarpugut suliffeqarfinnut akileraarutip millineratigut aningaasat nunatta karsianut isertussat soorunami ikinnerulissangaluartut, kisianni illua-tungaatigut suliffissat amerlinerisigut, sulisut amerlinerisigut aamma suliassaqalernerup kingunerisaanik piffissami aggersumi imminut akilerluarsinnaasumik taamaaliornikkut aaqqiisoqarsinnaasoq.

Kattusseqatigiit Partiiiani neriuppugut siunnersuut tamanit isummorsorluarfigineqarumaartoq.